

增補

出青新集

一
函
八
冊

齊平私藏

PDG

憑山閣增輯留青新集卷二十三類目

申詳

慎初招嚴覆審

孫魯

欽奉上諭事

朱圖光

沈青霞祀鄉賢

周茂源

節婦程呂氏

董國裕

勸開荒詳文

汪曾珥

編圖寬限

鄭鈇

殺死人命

王浴青

擒獲大盜

黃六鴻

禁溺女典婦

嵇永福

解月課申法藩臺

王雲龍

鹽徒劫殺

失名

斬脉絕嗣

毛際可

失盜事

毛際可

人命事

失名

擅取舖行物件

周亮工

請建倉所

紀元

越獄事

佟國器

省釋無辜

蔡祖庚

誣東圖產

俞堯

擁蠹抄詐

李之芳

懇恩詳覆等事

李之芳

抗糧事

紀元

窩引逃民

王際有

討蠹寃賊

王仕雲

痛改積習

郎廷極

轉詳結案

施潤章

詳明捐賑

王陞

打死男命

沈廸吉

八鄉賢批詳

王應華

覆議幫貼長行

洪琮

申禁私販

胡悉寧

留青新集
卷二十三
牒文

再聘欽義學牒

汪曾珏

稟帖

上王撫臺論幾事

蔡懋德

復杭嚴道訓練兵士

蔡懋德

申文

申復衣頂

蔡運西

批駁

官吏受賍

王元曦

獲兵行劫

王元曦

叛國害民

朱昌祚

緝究駁盜

朱昌祚

恭陳四款

朱昌祚

劫殺兇命

趙進美

悍兵殺人

稽永福

駁批人命

江西臬憲

駁謬疑獄

紀咸章

覆衿比例

張沂

打死人命

王應乾

人命事

王應乾

強搶事

王應乾

謀劫事

王應乾

强姦致命

周亮工

黑免斃命

周亮工

人命具

休致人命

王烈璋

賈合北歸

蕭一

大總管致辯

徐鳳章

總批人命

王西泉

曾與縣人

蘇永福

陸野良命

嚴進美

恭親西煤

朱昌

蘇突羅

朱昌

憑山閣增輯留青新集卷之二十三

陳 枚簡侯選

男

德裕子厚增輯

西泠

張國泰履安訂

休邑朱從儀慎威叅閱

詳文

慎初招嚴覆審

孫 魯 沂水

爲讞決匪輕謹陳膚見慎初情慎覆審以仰佐明允事照得易
無留獄明慎爲先書著祥刑簡字乃聽惟一成而不可變故三
刺以斷民中誠重之也查律載大辟二百四十一條民所易犯
者無如盜賊人命竊見爰書中人命以下手不真致滋辨竇或
數人毆一人輒籍在逃者互相委卸究竟有脫抵之元兇矣盜
賊以贓物未的致礙成招或一案掛多人輒因無主者更肆罔

誣展轉多橫。生之藤蔓矣。凡此總由初情之茫昧耳。夫初情何在。則人犯甫到官。造次之頃。安排不及三尺臨之。尙爾知畏。察詞於差。庶得其真。若一繫囹圄。狡智百出。淹延日久。變態日生。甚至後讞與前讞絕不相蒙。雖欲爲五聲之聽。其可得乎。竊以爲人命初報。卽審定某係下手。某係加功。某係餘人。某係見證。或手足或器仗。一一確註。由詳中不得空請簡驗也。強盜初獲。卽迅起贓物幾件。令失主認明。某人盜某家。現獲某贓。經某失主認領。一一確註。由詳中不得空列姓名也。初申有據。則歷訊難移。此後之紛呶永息矣。至駁審一節。上臺原爲死。生嚴出人也。乃問官不免泄泄。一經批駁。沉閣多年。設皆重辟。卽庾死無辭。乃一招之中。有徒有杖。以正犯未結。每致餘犯監斃于和執。

甚。卽令保候而數數勾提頻頻解審其磨累已徹骨矣。職以爲
駁問招詳宜勒限審結如情輕罪犯應配應杖鞠問允孚果與
正犯無關者先行摘發其大辟不妨另招報奪庶分輕重之衡
以明上下之服株連可省所全者不旣多乎。蓋謹於始則疑獄
不生斷於終則滯獄一洗是亦清訟之大端也。伏祈憲俞申飭
俾各屬一體奉行將冤濫清而貫索無非恩造矣。

欽奉 上諭事

朱圖光

寅先

卑職

捧讀

憲檄仰見各

上臺經營運籌爲

國爲民至意

下吏敢不凜遵竭蹶趨事第蒙檄開林縣係中縣被災減半應
運米七百三十五石奈林邑情形民不堪命今以運米重務事
在至緊有不得不爲我 憲臺瀆陳者林邑三四年來旱魃爲

虐麥既無收穀又不登富者少資蓋藏貧者流離載道死亡相繼而丁田戶口已減過半矣今春得有草根樹皮和以賑給米粒延其殘喘爭奈疫癘大行病與死半目今仰望麥秋又成晝餅是富者貧而貧者盡强者弱而弱者亡蕭蕭四壁風雨淒其待斃奄奄填街塞野慘苦之極爲全豫所未有今若責以運送楚米以言乎車輛則山鄉素非所用以言乎驢騾兒女已從鬻賣頭畜又已早盡矣以言乎人夫每米三斗需夫一名必二千五百餘名之夫方足一運此二千五百餘人大約皆饑餓餘生重病方痊之輩使之遠赴千里無論費固不支卽力亦不能勝任徒使枉填溝壑未必克濟運務興言及此甲職已不勝膽裂手戰猥係不能奉職致悞公務自罹罪戾夫復何辭但甲職身

在地方日擊苦楚隱匿不行上告是十嚴例之不貫合將林民
困苦情形備由具詳伏乞 憲臺俯念林民於八府一州之中
獨苦特甚免其領運則全活餘生非淺鮮也

卑職

未敢擅便爲

此云

處州沈青霞先生祀鄉賢

附原

周茂源

切有先賢沈公青霞諱鍊係處川府麗水縣學前朝嘉靖十
七年戊戌進士歷官錦衣衛經歷以疏嚴嵩十大罪戊死文
章節義照耀當時百餘年來未有議祀鄉賢者伏思表墓式
廬 聖明之盛事闡幽彰往賢達之高風青霞陷虎口而無
疑犯龍鱗而不懼雖鷹鷂燕雀之逐史冊彌昭而俎豆馨香
之間典章猶缺鄉賢應入典祀攸關士習民風誠非淺鮮

看得正氣不磨。山川爲之震動。英才挺拔。邑里所以光華。往代之缺祀。宜崇千秋之直道。斯在。故錦衣衛經歷忠愍沈青霞先生者。性本清剛。學成狂簡。雖居小位。每出大言。屬當天書賜吻之時。敢發非議。桓譚之論。劉祥刺深於瘴面。張彖譏切於冰山。固已威抗龍鱗。而恨銜蜜腹矣。迨乎十罪朝陳。三危夕竄。鐵箠相結。橫挺交加。仰日月之冥蒙。遡風塵而遐邁。寄命朔旃。餘生寧幾顧。乃豪攄尊酒。依然哭比長沙。興發高吟。開口罵如江。夏虎騎不下。磯激難平。用是鬼彈星飛。獸機夜發。楊震西亭之慘。絕塞頭行。荆軻湛旅之心。有巢卵覆。雖碧化萇弘之血魂。沉汨水之淵。未足以方此激昂。形其悲痛者也。當年束草旣將甫。檜同科此。日羞芹應共。龍平比。重今稽諸祀牒。大典闕如。揆厥所

出。僉曰先生發祥麗序家本會稽雖慷慨義聲聽聞洋溢而武
秋之後枯木無傳所以烝嘗在彼攸崇蘋藻於茲爲畧耳大國
有博聞之彥東里稱仁邑生干木之賢西河爲美太白之廣漢
東山兩地爭其人。物子瞻之黃州儋海到處以爲美譚豈有翔
步澤宮奪奇百師鶴來華表未列瞽宗墳顯湯陰單歸日鑄坐
使少微寡色而噴雪不芳爲父兄者將何以致而爲子弟者將
何以學也夫事久則論定節亮而禮崇賈逵金粟之裨不刻生
前玉子剖心之墓修從異代然則遊九原而流連於隨會過大
梁而慨想於夷門洵足以激清風於萬古厲薄俗於當年者歟
合從所請用樹風聲

節婦程呂氏詳文

董國裕

看得閨儀原端化始節婦直比忠臣冰心要從白首而靡他霜
操更自青年而不易今有故儒童程光禴妻呂氏生本世門子
歸名族孝廉船上曾標三鳳之稱紅錦樓邊忽抱孤鸞之泣抽
刀仰藥幾欲接踵於旣亡事親撫孤冀得慰志于幽獨以婦道
而躬修子職媿彼鬚眉乃家訓而律自母儀身堪模範何期天
意之難必兩續嗣而抱傷應知人事之可憑繞孫枝于旣茂一
十七齡弱息愴地無聲四十三載苦哀惟天是格懿德久彰于
里黨矢節宜沛乎 恩綸

勸開荒詳文

汪曾垣 掖蒼

爲備陳開荒之源酌勸懇荒之法仰祈採納定例以鼓招徠以
克國課事竊惟國之大計在餉餉之大源惟田夫田則孰甚于

湖南者哉。湖南地土廣袤，家事農功，故州縣多倉箱之積，向稱財賦淵藪。鄴雖治割茶鄉，附于衡耒，稽故明歲額之餉，亦一萬有奇。此無他田爲之也。迨至今日，田土日荒，稅糧日減，正賦僅止七百餘兩。屢奉上行開墾，屬吏非不遵布德意，願給牛種，永爲恒業。宜乎認墾恐後矣。然而蒿萊猶未闢，國課猶未克者，以有所疑畏于其間，而司牧者尙未得乎探本窮源之論也。幸際憲臺仁敷南楚，周析民瘼，某雖甫仕未幾，目擊土滿情形，爲之遡洄，敝于當年。酌勸勞于此日，謬陳管見，以冀採納焉。鄴自順治四年始入本朝版圖，繼此疊遭賊踞，屠戮幾盡，殆生聚未遑復，受吳逆蹂殘，或死或逃，莫之勝紀，以致遍野荒蕪，十居八九。一望蕭然，傷心慘目。雖經歷任招墾，較康熙十二年成熟

之數止少一百頃零五十餘畝。現在極意勸諭將來不難復額。照舊納糧當差。但查自明迄今。尙有從未開墾之地。俗名版荒。是豈土之不可耕歟。夫亦猶是土也。何以此治而彼荒。是豈民之不用力歟。夫亦猶是民也。何以昔勤而今惰。乃細爲訪之。知其中雖間有永不成田之土。然竟至槩棄而不顧者。蓋不苦于糧而苦于役。計鄴實田不滿七千二百八十三畝。實丁不滿三百七十八丁。當此積困之後。兼值軍需孔亟。糧七丁三。流民一承開墾成熟。卽有差徭。彼亦何地不可苟延殘喘。而必欲向田少差繁之處生活。耶。此所以不特外籍者不來。并土著者亦未肯遽耕也。顧苦于糧者不可以損。惟正之供。苦于役者或可以定。因時之策。某浙人也。請得卽浙例以比之。浙有錢江凡田地。